

Remitido

Reaccion relaciona cu algun construccion na San Nicolas

Na promer laga, mi introduce mi mes, mi nomber ta Oscar Janga y mi ta biba na de Ruyterstraat 17 San Nicolas. Muraya parti Noord di mi hogar ta separa mi cu Club Suriname.

Ultimo simannan cu a transcuri mi persona y vecindario unda mi ta biba ta den publicidad. Mi ta desea di splica e dicon y pa kico nos ta den publicidad.

Vereniging Suriname cu ta e doño di Club Suriname y e tereno ununto. Pa motibo di peligro, mas o menos tres (3) aña pasa a laga elimina e muraya ta tabata rondona e tereno. E tereno tabata contene un veld di basket, volleyball y mas cu tabata wordo uza pa practica otro deporte y recreacion.

Diripiente, manera ladron den anochi scur, mescos cu morto a cuminsa construccion. Nos den bario a cuminsa comenta, dicon? Na skina di Isaac Wagenmakery Weg Seroe Preto a construi un compleho di caspa esnan di 55+ of ta 60+ (hende di edad y serio). Mirando cu nos Minister di Infraestructura a papia cu lo bay plama e casnan di pueblo full rond di Aruba, nos a kere cu lo bay construi cuater of mas di e complehonan di vivienda riba e tereno. Pastoor Hendrikstraat ta conoci como un area residencial y Bernhardstraat ta conoci como e caya semi-residencial/semi commercial. No, pa nos gran sorpresa nos a bin compronde cu ta Aurora Funeral Home lo bay construi un funeraria/crematorio eynan. Tur den bario a reacciona furioso, cada uno pa y cu nan argumento personal.

Berdad, mi persona a acerca srs Eric Nassy y Sonny Hoo cu ta mi bisiñanan y mi a expresa mi malcontento y mi a ricibi sosten die bario pa cuminsa un accion di firma. Sr Hoo tabata abierto pa expresa su opinion. Sr Nassy a concipia e carta y mirando cu e a bal entrega esakinan y mi

persona no tabata alcansabel e a scoge pa firma esaki, paso e tambe ta un firmante.

A expresa cu nos a acusa e dono di proyecto di ta ladron di tereno no ta real. Sra Marilyn Dokman cu ta Vice Presidente di Vereniging Suriname a prueba nos cu documento cu nan ta erfpachthouder di tres lote tereno di cada uno mas o menos 1000 y pico meter cuadra. E ora esaki ta straña nos cu a duna esaki na otro pa construi.

Ta trece un proyecto para San Nicolas y nos ta protesta y no kier nada bon pa San Nicolas?? Ban ta serio, San Nicolas kier diversifica su

economia y kier mira pa San Nicolas haña su fair share di e desaroyo economico. Un funeraria mas banda de dosnan cu tin caba, cua diversificacion esaki ta? Un funeraria mas, kico ta e desaroyo economico cu esaki tin pa San Nicolas? Mas consumo di?? Labamento di man?? Parkeo lo bira un molestia den bario sigur sigur.

Kier ofrece pa hiba e bario Miami pa mira unda tin crematorio den areanan residencial? No tin cu subi ningun avion, sinta den stoel di cas lo por presenta otro ciudad y estado na Merca cu a sera funeraria den areanan

residencial y no na merca so, pero tambe na Europa. No mester lubida cu internet a hasi mundo hopi chiquito.

Pregunta mayor ta, ROP ta permiti esaki? A cuminsa construi promer cu ROP a bay na vigor dia 19 juli 2019?? E muraya di e parti zuid di e edificio aki ta pega cu muraya di mi tereno, esey no ta violacion di bouwvoorschriften cu mester tin minimal dos (2) meter di distancia??

Dicon dia nos a juega eynan cu prensa tur trahador a sali na corremento? Non documenta?? Dono di proyecto mes no a tuma e

decencia como un bon future bisiña y acerca e bario y informa e bario kico ta su intencion nan, pero si kier acusa miembro nan de bario pa bay busca informacion te cu e kier ofrece pasashi y estadia manera ta premio e bario a gana.

Mi kier a invita tur media skirbi, scucha y televisa pa pasa y observa e construccion pa nan mes y yega na nan a propio conclusion.

Atentamente.

Oscar

Janga.

De Ruyterstraat